

四庫全書

集部

欽定四庫全書

文苑英華卷二百四十九 宋 李昉等 編

寄贈三

盧照隣六首 駱賓王三首

杜淹一首 陳子昂五首

喬知之一首 李嶠三首

李乂二首 崔湜一首

杜審言三首 宋之問一首

李適一首

徐彥伯二首

贈益府羣官

盧照隣

一鳥自北燕飛來向西蜀單棲劍門上獨舞岷山足昂
藏多古貌哀怨有新曲羣鳳從之遊問之何所欲荅言寒
鄉子飄飄萬餘里不息惡木枝不飲盜泉水常思稻粱遇
願棲梧桐樹智者不我邀愚夫余不顧所以成獨坐耿耿
歲云暮日夕苦風霜思歸赴洛陽羽翮毛衣短關山道路
長明月留客思白雲迷故鄉誰能借風便一舉凌蒼蒼

山行寄劉李二叅軍

前人

萬里煙塵客三春桃李時
事去紛無限愁來不自持
狂

歌欲道

一作
歎

鳳失路反占龜草礙人行
緩花繁鳥度遲

彼美叅卿事留連求友詩
安知倦遊子兩鬢漸如絲

贈益府裴錄事

前人

忽忽歲云暮相望限風煙
長歌欲對酒危坐遂停絃
停
絃變霜露對酒懷朋故
朝看桂蟾
晚夜聞鴻鴈
度何時
還桂晚不同攀浮雲映丹壑
明月滿青山
青山雲路深

丹壑月華臨耿耿離憂積空令星鬢

一作侵髮

首春貽京邑文士

前人

寂寂罷將迎門無車馬聲橫琴答山水披卷閱公卿忽

聞歲云晏倚杖出簷楹寒辭楊柳陌春滿

一作別

鳳凰城

梅花扶院吐蘭葉遶堦生覽鏡改容色藏書留姓名時
來不假問生死任交情

于時春也慨然有江湖之思寄贈柳九隴

盧照鄰

提琴一萬里負書三十年晨攀偃蹇樹暮宿清泠泉翔
禽鳴我側旅獸過我前無人且無事獨酌還獨眠遙聞
彭澤宰高弄武城絃形骸寄文墨意氣託神仙我有壺
中要題為物外篇將以貽好道道遠莫致旃相思勞日
夜相望阻風煙坐惜春華晚徒令客思懸水去東南地
氣凝西北天關山悲蜀道花鳥憶秦川天子何時問公
卿本亦憐自哀還自樂歸藪復歸田海屋銀為柱雲車
電作鞭儻遇鸞將鶴誰論貂與蟬萊洲頻度淺桃實幾

成圓寄言飛鳧鳥歲晏同聯翩

至望喜矚目言懷貽劍外知己

前人

聖圖夷九折神化掩三分緘愁赴蜀道題拙奉虞薰隱
犇度深谷遙裔上高雲碧流遞縈疑作縈注青山互糾紛
澗松咽風緒巖花濯露文思北常依馭圖南每喪羣無
由召宣室何以答吾君

在江南贈宋五之問

駱賓王

井絡雙源濬潯陽集作陽侯九派長輪波集作淪波通地穴委輪

下歸塘別島籠朝蜃連洲擁夕陽集作漲韞珠澄集作成積

潤讓壁動浮光浮光凝析木一作析木積閨踈圓沚玉輪涵

地開劍閣一作匣連星起風煙標迴秀英靈信多美懷德

踐遺芳端操慙謀已謀已繆觀光牽跡強棲遑揆拙迷

三省勞生暗集作味兩忘彈隨一作冠空被笑獻楚自多傷

一朝殊語默千里異一作易炎涼炎涼幾遷一作買水一作川

陸疲臻湊積水架吳濤連山橫楚岫風月雖殊昔星河

猶是舊姑蘇望南浦邯鄲通北走北走平生親南浦別

離津瀟湘一超忽洞庭多苦辛秋江無綠芷寒汀有白

蘋采采

集作之

將何遺故人漳水濱漳濱已遼遠江潭未

旋返為聽短歌行當憶

集作想

長洲苑露金薰菊岸風珮

搖蘭坂蟬鳴稻葉秋鴈起蘆花晚秋天

集作晚秋

雲日明亭

皋風露清獨負平生氣重

集作空

牽搖落情占星非聚德

夢月詎懸名寂寥傷楚奏悽斷泣秦聲秦聲懷舊里楚

奏悲無已郢路少知音藜臺富奇士溫輝凌愛日壯氣

驚寒水一顧重風雲三冬足文史文史盛紛綸京洛多

風塵猶輕

一作由來

五車富未重一囊貧李仙非

集作悲

易託

蘇鬼曲

集作尚

難因不惜勞歌盡誰為聽陽春

在軍中贈先還知己

前人

蓬轉俱行役瓜時獨未還
魂迷金闕路望斷玉門關
獻

凱多慙霍論封幾謝班
風塵催白首歲月損紅顏
落鴈

低秋塞驚鳧起暝灣
胡霜如劍鋸漢月似刀鐮
別有

集作

後邊亭樹相思幾度攀

早秋出塞寄東臺詳正學士 前人

促駕踰三水長驅望五原天階集作街分斗極地理接樓

煩漢月明闕隴戍集作胡雲聚塞垣山川殊物候風壤異

涼暄集作温戍古秋塵合沙寒宿霧繁昔余迷學步投跡

忝詞源蘭渚浮延閣蓬山歛禁園彩纓陪紱冕載筆偶

瑱璫汲冢寧詳蠹秦宰詎辯究一朝從匪集作篚服千里

鶩輕軒鄉夢隨魂斷邊聲入聽喧南圖終鍛集作斂嗣北

上遽摧轅弔影慙連茹浮生倦觸藩數竒何以託桃李

自無言

寄贈齊公

杜淹

冠蓋遊梁日詩書同志年
佩蘭長坂上攀桂小山前
結交淡若水履道直如弦
此觀終未極於茲獨播遷
賴衣登蜀道白首別秦川
淚隨溝水逝心逐曉旌懸
去去逾千里悠悠隔九天
郊野間長薄城闕隱凝煙
關門共月對山路與雲連
此時寸心裏難用尺書傳

入東陽峽與李明府船前後不相及

陳子昂

東巖初解纜南浦遂離羣出沒同洲島棲泊異汀濱風

煙猶可望歌笑浩難聞路轉青山合峯迴白日曛奔濤

上漫漫積浪

集作水

下沄沄倏忽猶疑及差池復兩分離

離開

集作問

遠樹藹藹沒遙氛地入巴陵道星連牛斗文

孤狖啼寒月哀鴻叫斷雲仙舟不可見

集作遙

思坐氛

氤

贈巖倉曹乞推命錄

前人

少學縱橫術遊楚復遊燕棲遑長委命富貴未知天聞

道沈冥客青囊有秘編

集作篇

九宮探萬象三算極重玄

願奉唐生訣將知躍馬年非同墨翟問空滯殺

集作至

龍

川

度峽口山贈喬補闕知之王二無競

前人

峽口大漢南橫絕界中國叢石相

集作何

紛糾赤山復翕

絕遠望多衆客逼之無異色摧

集作崔

萃乍孤斷透迤屢

回直信闕胡馬衝亦拒漢邊塞豈依

集作伊

山河險將順

休明德物壯誠有衰勢高

集作雄

良易極邈迤忽而盡決

湍平不息之子黃金軀如何北

集作此

荒域雲臺盛多士

待君丹墀側

贈趙貞固二首

前人

回中烽火入塞上追兵起此時邊朔寒登隴思君子東
顧望漢京南山雲霧裏

二

赤螭媚其彩集作形 婉孌蒼梧泉昔者琅琊子躬耕亦愷

集作慨 然美人豈遐曠之子乃前賢良辰在何許白日屢

頽遷道心固微密神用無留連舒可彌宇宙攬之不盈

拳蓬茅集作蒿 久蕪沒金石徒精堅良寶委短褐閑琴獨

嬋娟

擬古贈陳子昂

喬知之

惇惇孤形影悄悄獨遊心以此從王事常與子同衾別

離三河間征戰二庭深一作延陰 胡天夜雨露胡鴈晨南翔

節物感離別

一作居

同衾違

一作還

故鄉南歸日將遠北方

尚蓬飄孟秋七月時相送出外郊海風吹涼木邊聲暗

一作響

稍稍勤役千萬里將臨五十年心事為誰道抽琴

歌坐筵一彈再三歎賓御涕潺湲送君竟此曲從茲長

絕絃

此詩二百六卷重出今已削去注異同為一作

扈從還洛呈侍從羣官

李嶠

四海帝王家兩都周漢室觀風昔來幸御氣今旋蹕雷

奮疑

六合開天行萬乘出玄冥奉時駕白矩叅戎律後

隊咽節聲前驅嚴罕畢輝光射東井禁令橫西秩帳殿
別陽秋旌門臨甲乙將交洛城雨稍遠長安日邛葦雲

外來咸秦霧中失孟冬霜霰下是日農功畢天道向歸

餘皇情美陰隲行在名岳禮遞問高年疾祝鳥既開羅

調人更張瑟登源

疑

采謳頌俯谷求才術芑罕懸磬貧

山無挂瓢逸垂恩泱寰宇展義該文質德澤盛軒遊哀

矜深禹恤申歌地廬駭獻壽衢樽溢瑞色抱氤氲寒光

變蕭颺宗枝旦爽輔侍從王劉足並緝蛟龍書同簪鳳
凰筆陶甄荷吹萬里歸一作頌歸
又作葵婦歎明一歡與道路長
顧隨談笑密叨應廊廟選謬齒夔龍弼喜構大廈成慙
非隆棟吉

晚景悵然簡二三子

前人

楚容秋悲動梁臺夕望餘梧桐稍下葉山桂欲開花氣
引迎風露光收向晚霞長歌白水曲空對綠池華

田假限疾不獲還莊載想田園兼思親友贈杜

幽素

前人

遊宦勞牽網風塵久化衣迹馳東苑路望阻北巖扉及
此乘休告聊將狎遁肥十旬俄委疹一作疾三逕且殊歸

茂陵官難即一作仰

靈臺暫可依疲痾旅城寺延想屬郊

畿夕夢園林是晨瞻邑里非綠疇良已穢清濠曠不追

野花何處落山月幾秋暉彼美符商致

一作政

優遊絕漢

機高情物累遣逸氣煙霞飛樂道方無悶懷賢獨有違
樽虛舊園酒琴靜故人薇夏沼蓮初發秋田麥稍稀何

當攜手去歲暮

一作日暮

採芳菲

此詩三百十七卷重出今已削去注異同為一作

寄胡皓時在南中

李又

徭役苦流滯風波限沂洄江流通地骨山道繞天台有
鳥圖南去無人自北來閉門滄海曲雲霧待君開

招諭有懷贈同行人

前人

遠遊冒艱阻深入勞存諭春去辭園門秋還在

一作任邊

戍軒車行未返節序催難駐陌上悲轉蓬園中想芳樹

蜀山自紛糾岷水恒奔注臨泛多苦懷登攀寡歡趣永
夕飛淫雨崇朝蒸毒霧不求綏嶺桃寧美邛鄉蒟白浪
行欲靜驄馬何常驅唐韻區遇切集者未如此音或
改為駐而不知前已押催難駐誤
矣願接輶旆塵聯翩東北騫

襄陽早秋寄岑侍郎

崔湜

江城秋氣早旭旦坐南閣落葉驚衰鬢清霜換旅衣時
來矜早達事往覺前非體道徒推理防身終昧微故人
金華省肅穆秉天機誰念江漢廣蹉跎心事違

贈蘇味道

杜審言

北地寒應苦南庭戍未歸邊聲亂羌笛朔風卷戎衣雨
雪關山暗風霜草木稀胡兵戰欲盡漢卒尚重圍雲靜
妖星落秋深塞馬肥據鞍雄劍動插筆羽書飛
京邑朋遊滿帝畿方期乘集作獻凱歌舞共春輝

贈崔融

前人

十年俱薄宦萬里各他方雲天斷書札風土異炎涼太
息幽蘭紫勞歌竒樹黃日疑懷叔度夜似憶真長北使

從江左東歸在洛陽相逢慰疇昔相對叙存亡草深窮

巷敗

集作
毀

竹盡故園荒雅

集作
推

節君彌固衰顏余自傷

人事盈虛改交遊寵辱妨雀羅爭去翟鶴髦競尋王思
極歡娛至明情詎可忘連騎追佳賞城中及路傍琴樽
行宴席巖沼卧詞場三川宿雨霽四月晚花芳復此開
懸榻寧唯入後堂興酣雖雉舞言洽鳳凰翔高選俄遷
職嚴程已飭裝撫躬街道義攜手戀輝光玉振先推美
金銘舊所防勿嗟離別易行役共時康

贈蘇綰書記

前人

知君書記本翩翩為許從戎赴朔邊
紅粉樓中應計日燕支山下莫經年

入崖口五渡寄李適

宋之問

抱琴問

一作登集作經

絕壑棧木泝清川路奇

一作極

意謂盡勢

迴趣轉綿人遠草木秀山深雲景鮮
余負海岳情自惜

微尚年

一作然

彌曠十餘載今來宛仍全未窺仙源極獨

進野人船時攀乳竇憩屢薄天窻
眠夜絃響松月朝檝

弄苔淵

一作泉

固冥物

一作因冥象

外理永謝區中緣碧潭可

遺老丹砂堪學仙莫使馳光暮空令龜鶴憐

一作皆文粹及集本

答宋十一崖口五渡見贈

李適

聞君訪遠山躋險造幽絕眇然青雲境觀竒彌年月登

嶺亦泝溪孤舟事沿越崿嶂傳彩翠崖磴互敲缺石林

上攢聚

一作叢

金澗下明滅捫壁窺丹井梯苔瞰乳穴忽

枉巖中贈對玩未嘗輟慙慙獨往事委曲練

一作鍊藥說

迨

一作邀

予名山期從爾泛海滢歲晏秉宿心斯言非徒

欽定四庫全書

八

文苑英華
卷二百四十九

十三

設一作皆
文粹

和李適答宋之問

徐彥伯

聞有獨往客，拂衣捐世心。
結欣薄枉渚，撰念縈舊林。
經亘去崖合，冥綿歸壑深。
琪樹環碧彩，金潭生翠陰。
沿洄弄沙榜，詭仄眺明岑。
夕聞桂裏猿，曉玩松上禽。
雜珮蘊孤袖，瓊敷綴雙襟。
文粹作矜我懷滄洲想，懿爾白雲吟。
秉願理方協，存期迹易尋。
茲言庶不負，為報巖中琴。

贈劉舍人古意

前人

女牀聞

初學記
作闕

靈鳥文章世所稀
巢君碧梧樹舞君青

瑣闥或言鳳池樂
撫翼更西飛
鳳池環禁林
仙閣靄沉沉
璇題激流日
珠綴綿清陰
郁穆帝言重
熒煌台座深
風張丹旆
翻月弄紫庭
音衆彩結不散
孤英跂莫尋
浩歌向蘭渚
婉孌故儔心

文苑英華卷二百四十九

欽定四庫全書

文苑英華卷二百五十

宋 李昉等 編

寄贈四

張說三首

蘇頌二首

張九齡二首

裴耀卿一首

李林甫一首

徐仁友一首

王翰一首

蔣煥一首

張子容三首

王維八首

孟浩然八首

高適五首

盧象二首

崔顥一首

祖詠三首

丁仙芝二首

蔡希寂一首

贈崔公

張說

我聞西漢日四老南山幽長歌紫芝秀高卧白雲浮朝
市集作野光塵絕榛蕪年貌秋一朝驅駟馬連袂入龍樓

昔遁高皇去今從太子遊行藏唯聖節禍福在人謀

卒能匡惠帝豈不賴留侯事隨年代遠名與圖籍留平
生欽厚德慷慨景前脩蚌蛤想集作同非陰兔蛟龍望斗牛
無嗟異飛伏同氣幸相求

岳州贈廣平公宋大夫

前人

亞相本時英歸來復國禎疑朝推長孺直野慕隱之清

傳節廻集作還閩障皇華集作思入漢京寧思江上老歲晏

蹇無成

南中贈高六戩

前人

北極辭明代南溟宅放臣丹誠由義盡白髮帶愁新鳥
隨炎州氣花飛洛水春平生歌舞席誰憶不歸人

閑園即事寄

集作贈

韋侍御

蘇頲

結廬東城下直望終南山青靄遠相接白雲來復還拂
筵紅蘚上開幔綠條間物應春偏好情忘趣轉閑憲臣
饒美政集作度聯事惜徂顏有酒空盈酌高車不可攀

贈彭州權別駕

前人

雙流脉脉錦城開追踐年年往復迴
祗道哥謠迎半刺

徒聞禮數揖中台黃鸞急轉春風盡斑馬長嘶落景催
莫愴分飛岐路別還當奏最掖垣來

當塗界寄裴宣州

張九齡

故人宣城守亦作集作江南偏何如分虎竹相與間山

川章綬胡為者形骸非自然含情津渡闊待集作望眼

空悵集作遠近聞佳政平生仰大賢推心徒有屬會面

良無緣日久集作遵前渚江村投暮煙念行祗意默懷

遠豈言宣委曲風波事難為尺素傳

贈澧陽韋明府

前人

君有百鍊刃堪斷七重犀誰開太阿匣特割武城雞竟
與尚書佩還應天子提何時遇操柄集作宰當使玉如泥

敬酬當塗界留贈之作

裴耀卿

附見張九齡集

茂先實王佐仲舉信時英氣覩衝天發人將下榻迎珪
符爾有命江國遠徂征九派期方越千鈞或所集作可輕高

帆出風迴孤嶼入雲平遙嗟子役離憂空自情飭簪
陪早歲接壤厠專城曠別心彌軫宏規義轉傾徒然限

饑渴仍况

集作况乃

諷瑤瓊

秋夜望月憶韓庶等諸侍郎因以投贈

李林甫

秋天碧雲夜明月懸東方皓皓庭際色稍稍林下光
桂花澄遠近璧影散池塘鴻鴈飛難度關山曲易長
揆予秉孤直虛薄忝文昌握鏡慙先照持衡媿後行
多才衆君子載筆久詞場作賦推潘岳題詩許謝康
常時陪宴語今夕恨相望願欲接高論清晨朝建章

古意贈孫翌

徐仁友

南望緱氏山

一作嶺

山居共澗陰東西十數里緬邈方寸

心雲日落廣庭

一作廡

鸞花坐

一作對

孤琴琴中多苦調悽

切誰復尋

贈唐祖二子

王翰

鴻飛遵枉渚鹿鳴思故羣物情尚勞愛况乃予別君別
時花始發別後蘭再薰瑤觴滋白露寶瑟凝涼氛徘徊
北林月悵望南山雲雲月眇千里音徽不可聞

途次維揚望京口寄白下諸公

蔣煥

北望情何限南行路轉深
晚帆低荻葉寒日下楓林雲
白蘭陵渚煙青建業岑
江天秋向盡無處不傷心

贈司勳蕭郎中

張子容

作相開黃閣為郎奏赤墀
君臣道合體父子貴同時
國以推賢答家無內舉疑
鳳池真水鏡蘭省得華滋
未覩風流日先聞所賦詩
江山清謝朓花木媚邱遲
吏部來

何暮王言念在茲丹青無不可霖雨亦相期昔我投荒處孤煙望島夷羣鷗終日狎落葉數年悲漁父留歌詠江妃入興詞今將獻知己相感勿吾欺

永嘉即事寄贛縣袁少府瓘 張子容

山繞樓臺出溪通里閉斜曾為謝客郡多有逐臣家海氣朝成雨江天晚作霞題書報賈誼此濕似長沙

樂城歲日贈孟浩然

前人

土地窮甌越風光肇建寅插桃銷瘴厲移竹近堦墀半

是吳風俗仍為楚歲時更逢習鑿齒言在漢川湄

苑舍人能書梵字兼達梵音曲盡其妙戲贈

王維

名儒待詔滿公車才子為郎典石渠蓮華法藏心懸悟

貝葉經文手自書楚

集作梵非

詞共許勝揚馬梵字何人辨

魯魚故舊相望在三事願君莫厭承明廬

獻始興公時拜右拾遺

前人

寧棲野樹林寧飲澗中

集作水

流不用坐梁肉崎嶇見王

侯鄙哉匹夫節布褐將白頭任智誠則短守仁固其優
側聞大君子安問黨與讐所不賣公器動為蒼生謀賤
子跪自陳可為帳下不感激有公議曲私非所求

贈裴迪

前人

風景日夕佳與君賦新詩澹然望遠空如意方支頤春
風動百草蘭蕙生我籬暖暖聞日暖集作日田家來致

詞欣欣春還臯淡淡水生陂桃李雖未開萸英集作萸滿

芳枝請君理還策敢告將農時

入山寄城中故人

一作終山別業

前人

中歲頗好道晚家南山陔興來每獨往勝事空自知行
到水窮處坐看雲起時偶然值林叟談笑無還期

此詩三百十八卷重出今已削去注異同為一作

贈崔錄事

前人

解印歸田里賢哉此丈夫少年曾任俠晚節更為儒遁
迹集作世東山下因家滄海隅已聞能狎鳥余欲共乘桴

贈成文學

前人

寶劍千金裝登君白玉堂身為平原客家有邯鄲倡使

氣公卿坐論交

集作心

遊俠場中年不得意

集作志

謝病客

遊梁

酌酒與裴迪

前人

酌酒與君君自寬人情翻覆似波瀾白首相知猶按劍

朱門先達笑彈冠草色全輕

集作經

細雨濕花枝欲動春

風寒世事浮雲何足問不如高卧且加飡

田家贈丁寓

集作丁寓田家有贈

前人

君心尚棲隱久欲傍歸路在朝每為言解印果成趣晨
雞鳴隣里羣動從所務農夫行餉田閨妾起縫素開軒
御衣服散帙理章句時吟招隱詩或製閑居賦新晴望
郊郭日映桑榆暮蔭集作陰盡小苑城微明渭川樹揆予
宅間井幽賞何由屢道在終不忘跡異難相遇此時惜
別離再來芳菲度

望洞庭湖上張丞相

集作岳陽樓三百十
二卷重出今已削去

孟浩然

八月湖水平涵虛混太清氣蒸雲夢澤波撼岳陽城欲
濟無舟楫端居耻聖明坐憐集作垂釣叟集作徒
觀者徒集作空
有羨魚情

書懷貽京邑同好

前人

惟先自鄒魯家世重儒風詩禮襲遺訓趨庭霑末躬書
夜常自強詞翰頗亦工一作攻三十既成立吁嗟命不通

慈親向羸老喜懼在深衷甘脆朝不足簞瓢夕屢空執
鞭慕夫子捧檄懷毛公感激遂彈冠安能守固窮當途

訴知已投刺匪求蒙秦楚邈離異飀飛何日同

答秦中苦雨思歸贈袁中丞賀侍御

前人

為學三十載閉門江漢陰明教逢集作明賢遭聖代羈旅屬

秋霖匪

集作豈

直昏墊苦亦為權勢沉二毛催白髮百鎰

罄黃金淚憶峴山墜集作墮愁懷襄水深謝公積憤懣莊

烏空謠吟躍馬非吾事狎鷗真我心寄言當路者去矣

此山岑

與崔二十一遊鏡湖寄包賀二子

前人

試覽鏡湖物中流見

集作到

底清不知尊鱸

集作鱸魚

味但見

集作識

鷗鳥情帆得樵風送春逢穀雨晴將探夏禹穴稍

背越王城府

集作守

掾有包子文章推賀生滄浪醉後

集作

從

唱因子

集作此

寄同聲

贈蕭少府

前人

上德流如永安仁道若山聞君秉高節而

集作為

得奉清

顏鴻漸昇台羽

一作鼎

牛刀列下班處臆能不潤居劇體

常閑去許

集作詐

人無諂除邪吏息姦欲知清與潔明月

在澄灣

九日龍沙作寄劉文

前人

龍沙豫章北九日挂帆過風俗因時見湖山發興多客
中誰送酒棹裏自成歌竟自乘流去滔滔任夕波

寄正字

前人

正字芸香閣經過宛如昨幽人竹素園

文選張景陽雜詩遊思竹素園

歸卧寂無喧高鳥能擇木羝羊屢集作觸藩物情今已

謾

見徒自

集作

從此欲無言

秋登萬

集作

山寄張五

前人

北

集作

山白雲裏隱者自怡悅相望始

集作

登高心隨

鴈飛滅

集作

心飛

愁因薄暮起興是清秋

集作

發時見

村人歸

集作

沙平

集作

渡頭歇天邊樹若薺江畔舟

集作

如月何當載酒來共醉重陽節

古樂府飛龍曲留上陳左相

即陳希烈
兼李右相

高適

德以精靈降時膺夢寐求蒼生謝安石天子富人侯樽

俎資高論巖廊揖大猷卿才傳世業相府盛嘉謀集作相門

連戶脯卿族嗣弓裘豁達雲開景集作霽清明月映秋能為吉甫用

集作薦見忝集作善用子房籌戶牖集作階砌思攀陟門欄尚阻脩

高山不易仰大匠本難投迹向集作與松喬合心緣啟沃

留公才山吏部書癖杜荊州幸沐千年聖何辭一尉休

折腰知寵辱迴首見沉浮天地莊生馬江湖范蠡舟道

遙堪自樂浩蕩信無憂去矣從黃綬歸歟任白頭風塵
與霄漢瞻望日悠悠

奉贈

集作
留上

李右相林甫

前人

風俗登淳古君臣揖大庭深沉謀九德密勿契千齡獨
立調元氣清心豁窅冥本枝連帝系長策冠生靈傳說
明殷道蕭何律漢刑鈞衡持國柄柱石總朝經隱軫江
山藻氛氲鼎鼐銘興中皆潔白集作
白雪身外盡丹青江海
呼窮鳥詩書問聚螢吹噓成羽翼提握動芳馨倚伏悲

還笑昇沉醉復醒恩榮初就列含育忝宵形有竊邱山
惠無時枕席寧壯心瞻落景生事感流萍莫以才難用
終期善易聽未為門下客徒謝少微星

贈杜拾遺

前人

傳道招提客詩書自討論佛香時入院僧飯屢過門聽
法還應說集作難尋經剩欲翻草玄今已畢此後更何言

東平留贈狄司馬

前人

古人無宿諾茲道未

集作以

為難萬里赴知己一言誠可

歎馬蹄經月窟劍術指樓蘭地出北庭盡城臨西海寒
森然瞻武庫剛若弄儒輸入幕綰銀綬乘軺兼鉄冠練
兵日精銳殺敵無遺殘獻捷見天子論功俘可汗激昂
丹墀下顧盼青雲端誰謂縱橫策醜為權勢干將軍既
坎壈使者亦辛酸耿介揖三事羈離從一官知君不得
意他日會鵬搏

寄孟五少府

前人

秋氣落窮巷離憂兼暮蟬後時已如此高興亦徒然知

君念淹泊憶我屢周旋
征路見來鴈歸人悲遠
天平生各千里

集作感
千里

相望在貞堅

贈張員外

盧象

公家世業昌才子冠裴王
出自平津邸還為吏部郎
神仙餘氣色列宿動暉光
夜直南宮靜朝趨北禁長
時人窺水鏡明主賜衣裳
翰苑飛鸚鵡天池待鳳凰
承欣疇日顧未記後時傷
去去圖南遠微才幸不忘

贈程校書

前人

客自岐陽來吐音若鳴鳳孤飛果不偶獨立誰見用忽
從被褐中召入承明宮聖人借顏色言事無不通慙懃
拯黎庶感激論諸公時相猜賈誼圖書歸馬融顧余久
寂寞一歲麒麟閣且共歌太平勿嗟名宦薄

贈王威古

崔顥

三十羽林將出身常事邊春風吹淺草獵騎何翩翩插
羽兩相顧鳴弓新或作親上弦射麋入深谷飲馬投荒泉
馬上共傾酒野中聊割鮮相看未及飲雜虜寇幽燕烽

火去不息一作不胡山或作高際天長驅救東北轉或

屢戰解城全一作戰解報國行赴難古來皆共言一作

此詩三百四十卷重出今已削去注異同為一作

贈苗發員外二首 祖詠

朱戶敞高扉青槐礙落暉八龍乘慶重三虎地集作朝

歸坐竹人聲絕橫琴鳥語稀花慙潘岳貌年稱老萊衣

葉暗朱櫻熟絲長粉蝶飛應憐魯儒賤空與故山違

二

宿雨朝來歇空山天氣清盤雲雙鶴下隔水一蟬鳴古
道黃花落平蕪赤燒生茂陵雖有病猶得伴君行

蘭峰題贈張中丞九臯

前人

君王既巡狩輦道入秦京遠樹低槍壘孤山出幔城寒
踈清禁漏夜警羽林兵誰念迷方客常懷魏闕情

贈朱中書

丁仙芝

十年種田濱五湖十年遭滂盡為蕪頻年并稅常不足
今年緡錢誰為輸東鄰轉穀五之利西鄰販繒日已貴

而我守道不遷業誰能肯敢效此事紫微侍郎白虎殿
出入通籍迴天眷晨趨綵筆栢梁篇畫出雕盤大官膳
會應憐爾居素約可即長年守貧賤

戲贈姚侍御

前人

繁霜曉暮鳴栢烏侍子獸炭燃金爐重門啓鎖紫髯胡
新被驄馬隴西駒頭戴獬豸急晨趨明光殿前見天子
今日應彈佞倖夫

贈張鏡微

蔡希寂

大河東北望桃林雜樹冥冥結翠陰不知君作神仙尉
特訝行來雲霧深

文苑英華卷二百五十

欽定四庫全書

文苑英華卷二百五十一 宋 李昉等 編

寄贈五

杜甫十三首 李白十八首

投贈韋左相

時兼兵部尚書故
云聽履上星辰

杜 甫

鳳歷軒轅紀龍飛四十春八荒開壽域一氣轉鴻鈞霖

雨思賢佐丹青憶舊

集作老

臣

公之先人遺風
餘烈至今稱之

應圖求駿

馬驚世

集作代

得麒麟沙汰江湖

集作河

濁調和鼎與新章

賢初相漢范叔已歸秦盛業今如此傳經固絕倫豫章
深出地滄海濶無津北斗思喉舌東方領縉紳持衡留
藻鑑聽履上星辰獨步才超古餘波德照隣聰明過管
輅尺牘倒陳遵豈是池中物由來席上珍廟堂知至理
風俗盡還淳才傑俱登用愚蒙但隱淪長卿多病久子
夏索居頻回首驅流俗生涯似衆人巫咸不可問鄒魯
莫容身感激時將晚蒼茫興有神為君集作公歌此曲涕
淚在衣巾

贈常左丞大濟

前人

左轄頻虛位今年得舊儒相門常氏任

集作在

經術漢官

集作臣

須時議歸前列天倫恨莫俱鴿原荒宿草鳳沼接

亨衢有客雖安命哀容豈壯夫家人憂几杖甲子混泥

塗不謂矜餘力還來謁大巫歲寒仍顧遇日暮且踟蹰

老驥思千里寒

集作飢

鷹待一呼君能徵感激亦足慰榛

蕪

一作折骨
効區區

奉贈嚴八閣老

前人

扈從

集作扈聖
又作今日

登黃閣

集作閣

明公獨妙年蛟龍得雲雨

鵬鴉在秋天客禮容疎放官曹許集作可接聯新詩句句

好應任老夫傳

路逢襄陽楊少府入京城戲題四韻附呈楊四

員外綰甫赴華州日許員外為求茯苓

前人

寄語楊員外山寒少茯苓歸來稍暄暖當為斲青冥

動龍蛇

集作神

窟封題鳥獸形兼將老藤杖扶汝

一作爾

醉

初醒

寄高三十五詹事

前人

安穩高詹事兵戈久索居時來如一作宜達歲晚莫情

踈天上多鴻鴈河集作中足鯉魚相看過半月集作不

寄一行書

寄李十二白

會稽賀知章一見白
號為天上謫仙人也

前人

昔年有狂客號爾謫仙人筆落聞集作風雨詩成泣鬼

神聲名從此大汨沒一朝伸文彩承殊渥流傳必絕倫

龍舟移棹晚獸錦奪袍新白日來深殿青雲滿後塵乞

歸優詔許遇我夙集作宿心親未負幽栖志兼全寵辱身

戲集作劇談憐野逸嗜酒見天真醉舞梁園夜行歌泗水

春才高心不展道屈善無隣處士禰衡俊諸生原憲貧

稻梁求未足薏苡謗何頻五嶺炎蒸地三危放逐臣幾

年遭鵬鳥獨泣一作立向麒麟蘇武先還漢黃公豈事秦

楚筵辭醴日梁獄上書辰已用當時法誰將此義陳老

吟秋月下病起暮江濱莫恠恩波隔乘槎與問津

贈比部蕭郎中十兄

甫從
姑子

前人

有美生人傑由來積德門漢朝丞相系梁日帝王孫蘊
藉為郎久魁梧秉哲尊詞華傾後輩風雅藹孤騫宅相
榮姻戚兒童惠討論見知真自幼謀拙媿諸昆漂蕩雲
天濶沉埋日月奔致君時已晚懷古意空存中散山陽

鍛愚公野客

集作
谷

村寧紆長者轍歸老任乾坤

同元使君舂陵行

并
序

前人

覽道州元使君結舂陵行兼賊退後示官吏作二首志
之曰當天子分憂之地効漢官良吏之目今盜賊未息
知民疾苦得結輩十數公落落然叅錯天下為邦伯萬
姓吐氣天下少一作小安可待已一作矣不意復見比興體
制微婉頓挫之詞感而有詩增諸卷軸簡知我者不必
寄元

遭亂髮盡白轉衰病相縈

一作嬰

沉睽

集作絲

盜賊際狼狽

江漢行歎時藥力薄為客羸瘵成吾人詩家秀博采世

上名祭祭元道州前聖畏後生觀乎春陵作歎見俊哲

情復見

集作覽

賊退篇結也實國楨賈誼昔流慟匡衡常

引經道州哀

一作憂

黎庶詞氣浩縱橫兩章對秋月

一作流水

一字偕華星致君唐虞際淳朴憶大庭何時降璽書用

汝

集作爾

為丹青獄訟永衰息豈唯偃甲兵悽惻念誅求

薄歛近休明乃知正人意不苟飛長纓涼飈振南岳之

子寵若驚色阻金印大興含滄浪清我多長卿病日久

思朝廷肺枯渴太甚漂泊公孫城呼兒具紙筆隱几臨

軒楹作詩呻吟內墨澹字歌傾感彼危苦詞庶幾知者
聽

寄薛三丈郎中據

前人

人生無賢愚飄飄

集作飄飄

若埃塵自非得神仙誰免危其

身與子俱白頭沒沒

集作沒沒

常苦辛雖為尚書郎不及村

野人憶昔村野人其樂難具陳藹藹桑麻交公侯為等

倫天未厭戎馬我輩本常貧子尚客荊州我亦滯江濱

峽中一卧病瘡癘經冬春春復加肺氣

一作復加肺氣疾

此疾

病集作

盖有因早歲與蘇鄭痛飲情相親二公化為土嗜

酒不失真余今委修短豈得恨命述聞子心甚壯所過

信席珍上馬不用扶忽

集作每

扶必怒嗔賦詩賓客間揮

灑動八垠乃知盖代手才力老益神青草洞庭湖東浮

滄海濬君山可避暑况足采白蘋子豈無扁舟徃復江

漢津我未下瞿唐空念禹功勤聽說松門峽吐藥攬衣

巾高秋却束帶鼓枹

集作枹

視清旻鳳池日澄碧濟濟多

士新余病不能起健者勿逡巡上有明哲君下有行化

臣

贈虞十五司馬

前人

遠師虞秘監今喜識玄孫形象丹青逼家聲器宇存淒涼
憐筆勢浩蕩問詞源爽氣金天豁清談玉露繁佇鳴南岳鳳
欲化北溟鯤文集作交態知浮俗儒流不異門過逢
聯客位日夜倒芳樽沙岸風吹葉雲江月上軒百年嗟已半
四座敢辭喧書籍終相與青山隔故園

戲簡鄭廣文

前人

廣文到官舍繫馬堂階下醉即集作則騎馬歸頗遭官長

罵才名三十年坐客寒無種近集作賴有蘇司業時時與

酒錢

奉贈李八丈判官曠
前人

我丈時英特宗枝神堯後珊瑚市則無駮驥人得有早

年見標格秀氣衝一作通星斗事業富清機官曹正獨守

頃來樹佳政皆已傳衆口艱難體貴安冗長吾敢取區

區猶歷試炯炯更持久討論實解願操割紛應手篋書

積諷諫宮闕限

浪一作

奔走入幕未展才秉鈞孰為偶所

親問淹薄

集作泊

泛愛惜衰朽垂白慕

集作辭

南翁委身希

比叟真成窮轍鮒或似喪家狗秋枯洞庭石風颯長沙
柳高興激荆衡知音為迴首

毒熱寄簡崔評事十六弟

前人

大火

一作暑

運金氣荆揚不知秋林下有塌翼水中無行

舟千室但掃地閉關人事休老夫轉不樂旅次兼百憂

蚯蚓暮偃寒空牀難暗投炎宵惡明燭况乃憶

集作懷

舊

邱開襟仰內弟執熱露白頭束帶負芒刺接居成阻修

何當清霜飛會子臨江樓載聞大易義諷詠詩家流蘊

藉異時輩檢身非集作苟求皇皇使臣體信是德業優

楚材擇杞梓大宛集作漢苑歸驛駟短章達我心理為識者

籌

贈張相鎬二首

時逃難病在宿松山作

李白

神器難竊弄天狼窺紫宸六龍遷白日四海暗紅集作胡

塵昊穹降元宰君子方經綸澹然養浩氣歛起持天鈞

秀骨象山岳英謀合鬼神佐漢解鴻門興唐思退身擁
旄秉金鉞伐鼓乘朱輪虎將如電霆搃戎向東巡諸侯

拜馬首猛士騎鯨鱗澤被魚鳥悅令行草木春逢聖

集作

聖智不失時建功及良辰醜虜安足紀可貽輜與巾倒瀉

溟海珠盡為入幕珍馮異獻赤伏鄧生歛來臻至

集作
庶

同昆陽舉再覩漢儀新昔為管將鮑中奔吳隔秦一生
欲報主百代期榮親其事竟不就哀哉難重陳卧病古
松滋蒼山空四隣風雲激壯志枯槁驚常倫聞君自天

來目張氣益振亞夫得劇孟七集作敵國空無人捫虱對

桓公願得論悲辛大塊方憶氣何辭鼓青蘋斯言儻不

合歸老漢江濱

二

家本隴西人代

集作先

為漢邊將功畧天地中

集作功畧蓋天地

名飛青雲上苦戰竟不侯當年頗惆悵世傳崆峒勇氣

激金風壯英烈遺厥孫百代神猶王十五觀竒書作賦

陵相如龍顏惠殊寵麟閣憑天居晚途未云已蹭蹬遭

讒毀想像晉末時崩騰胡塵起衣冠陷鋒鏑戎虜盈朝
市石勒窺神州劉聰劫天子撫劍夜吟嘯雄心日千里

誓欲斬鯨鯢澄清洛陽水三台

集作六合

灑霖雨六合

集作萬物

無凋枯我揮一杯水自笑何區區因人恥成事貴欲決
良圖滅虜不言功飄然陟蓬壺唯有安期為留之滄海

隅

江夏使君叔席上贈吏部

二字集作史郎中

前人

鳳凰丹禁裏銜出紫泥書昔放三湘去今還萬死餘仙
郎久為別客舍問何如涸轍思流水浮雲失舊居多慚
華省貴不以逐臣踈復如竹林下而陪芳晏初希君生
羽翼一化北溟魚

贈郭將軍

前人

將軍豪蕩有英威昔

集作
入

掌銀臺護紫微平明拂劍朝

天去薄暮垂鞭醉酒歸愛子臨風吹玉笛美人嬌月舞
羅衣今日相逢俱失路何年灞上弄春輝

寄

集作
贈

崔侍御三首

前人

宛溪霜夜聽猿愁去國長為不繫舟
獨憐一鴈飛南海却羨雙溪解北流
高人屢解陳蕃榻過客難登謝朓樓
此處別離同落葉朝朝分散敬亭秋

二

長劍一盃酒男兒方寸心
洛陽因劇孟託宿話曾襟
但仰山岳秀不知江海深
長安復携手再顧重千金
君乃輜軒佐余叨翰墨
林高風摧秀木驚彈落虛禽
不取迴

舟興而來命駕尋扶搖應借便桃李願成陰咲吐張儀
舌愁為莊舄吟誰憐明月夜腸斷聽秋砧

三

黃河三尺鯉本住

集作
在

孟津居點額不成龍歸來伴几

魚故人東海客一見借吹噓風濤儻相見

集作
因

更欲凌

崑墟何當赤車使再徃名相如

贈韋侍御黃裳二首

前人

太華生長松亭亭凌霜雪天與百尺高豈為微颺折桃

李賣搖艷路人行且迷春光拂

集作掃

地盡碧藥

集作葉

成

黃泥願君學長松慎勿作桃李受屈不改心然後知君

子

二

見君乘驄馬知上太行

集作山

道此地果摧輪全身以為

寶我如豐年玉棄置秋田草但勗冰壺心無為歎衰老

安陸白兆山桃花巖寄劉侍御綰

前人

雲卧三十年好閑復愛仙蓬壺雖冥絕鸞鶴心悠然歸
來桃花巖得憇雲窓眠對嶺人共語飲潭猿相連時升
翠微上邈若羅浮巔兩岑抱東壑一嶂橫西天樹雜日
易隱崖傾月難圓芳草換野色飛蘿搖春烟入遠構石
室選幽開山田獨此林下意杳無區中緣永辭霜臺客
千載方來旋

贈潘侍御論錢少陽

前人

繡衣柱史何昂藏鐵冠白筆橫秋霜三軍論事多引納

堦前虎士羅干將，雖無二十五老者。且有一翁錢少陽，
眉如松雪齊四皓。調笑可以安儲皇，君能禮此最下士。
九州拭目瞻清光。

贈常侍御

前人

安石在東山，無心濟天下。一起振橫流，功成復瀟灑。大
賢有舒卷，季葉輕風雅。匡復屬何人，君為知音者。傳聞
武安將，氣振長平瓦。燕趙期洗清，周秦保宗社。登朝若
有言，為訪南遷賈。

江行寄崔員外宗之

前人

飄飄

集作飄飄

江風起蕭颯海樹秋登艫美清夜挂席移輕

舟月隨碧山轉水合青天流杳如星河上但覺雲林幽

歸路方浩渺

集作浩浩

徂川去悠悠徒悲蕙草歇復聽菱歌

愁岸曲迷後浦沙明瞰前洲懷君未

集作不

可見望遠增

離憂

贈王漢陽

前人

天落白玉棺王喬辭葉縣一去未千年漢陽復相見猶

乘飛鳧尚識仙人面
鬢髮何青青
童顏皎如練
吾魯弄海水清淺
嗟三變果愜麻姑言
時光速
沆電與君數
盃酒可以窮歡宴
白雲歸去來
何事坐交戰

贈崔郎中宗之

前人

胡鴈拂海翼
翱翔鳴素秋
驚雲辭沙朔
飄薄集作飄蕩
又作薄霧

迷河洲有如飛蓬人
去逐萬里遊
登高望浮雲
鬢髮如

舊邱日從海傍沒
水向天邊流
長嘯依集作倚孤劍
目極

心悠悠
歲晏歸去來
富貴安所求
仲尼七十說
歷聘莫

見收魯連逃千金珪組豈可酬時歲

集作歲

苟不會草木

為我儔希君同携手長往南山幽

贈崔諮議

前人

駮驥本天馬素非伏櫪駒長嘶起涼

集作起清又作向清

風條忽

凌九區何言西北至却走東南隅世道有翻覆前程難

預圖望君垂

集作希君一

翦拂猶可騁中衢

贈歷陽褚司馬

前人

北堂千萬壽侍奉有光輝先教

集作同

稚子舞更着老萊

衣因為小兒啼醉倒月下歸人間無此樂此樂世中稀

江上寄巴東故人

前人

漢水波浪遠巫山雲雨飛東風吹客夢西落此中時覺
後思白帝佳人與我違瞿唐饒賈客音信莫令稀



文苑英華卷二百五十一

欽定四庫全書

集部

文苑英華卷二百五十二至
四

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣秦泉

謄錄監生_臣畢所輯

欽定四庫全書

文苑英華卷二百五十二

宋 李昉等 編

寄贈六

王昌齡三首

沈千運一首

楊浚一首

楊重元一首

王季友二首

薛業一首

殷寅一首

楊諫一首

孫叔向一首

張偁一首

陶翰四首

劉長卿十九首

李頎五首

為張僂贈閩使臣

王昌齡

哀哀獻玉人楚國同悲辛泣

一作淚

盡繼以血何由辯其

真賴承琢磨惠復使光輝新猶畏讒口疾棄之如埃塵

次汝中寄河南陳贇府

前人

汝山方聯延伊水纔明滅遙見入楚雲又此空館月紛
然馳夢想不謂遠離別京邑多歡娛衡湘暨沿越明湖

春草遍秋桂白花發豈惟長思君日夕在魏闕

贈史昭

前人

東林月來

一作未

昇廓落星與漢是夕鴻始來齋中起長

歎懷哉望南浦眇然夜將半但有秋聲孤愁使心神亂

一作但有秋水聲孤愁使心神亂

握中何為贈瑤草已衰散海鱗未化時

各在天一岸

贈史脩文

沈千運

故人阻千里會面非前期握手於此地當懼反作悲念

誰怨猶昨倏已二十暮疇昔皆少壯別來髮如絲不道
舊姓名相見知是誰曩遊盡騫翥與君仍布衣豈曰無
其材命理應有時前路漸欲少不覺生涕洟

贈李郎中

楊浚

仙郎早朝退直省卧南軒院竹自成賞階庭寂不喧焚
香開後閣起草閉前門禮樂風流羨光華星位尊榮兼
朱紱貴交乃布衣存是日登龍客無忘君子恩

正朝上左丞相張燕公

楊重元

歲去愁終在春還命不來長吁問丞相東閣幾時開

代賀若令譽贈沈千運

王季友

相逢問姓名亦存別時無子今有孫山上雙峯長不改

百年

一作家

唯有三家村村南東西車馬道一宿通州水

浩浩澗中磊磊十里石河上淤泥種桑麥平坂古塚皆

我親滿田戶

一作主

人是舊客舉聲酸鼻問同年十人六

七歸下

一作黃

泉分手如何更此地迴頭不語

一作下去

淚潛

然

此詩三百四十卷重出今已削去注異同為一作

贈山兄韋秘書

前人

出山秘芸署山水已再春食我山中藥不憶山中人
山中誰密余白髮日見親雀鼠晝夜無知我厨廩貧有情
盡捐棄土石為同身依舍北松下

一作依依
舍北松

不厭吾南

隣夫子質千尋天澤枝葉新今也不材壽非智免斧斤

洪州客舍寄柳博士芳

薛業

去年燕巢主人屋今年花發路傍枝年年為客不到舍

舊國存亡那得知胡塵一起天下亂何處春風無別離

銓試後徵山別業寄源侍御 殷寅

別業在徵山登高望畿甸嚴令天地肅城闕如何見藹

藹王侯門華軒

一作軒車

日遊街幸逢休明代山虜尚交戰

投策去園林率名皆拜選聖君性則詰濟濟多英彥裴

楷能精

一作清

通山濤急推薦諛才甘自屏薄伎忝餘眷

雖承國士恩尚乏中人援疇昔相知者今茲秉天憲朱

紱何赫赫繡衣復蔥蒨

贈知己

楊諫

江南折芳草江北贈佳期
江闊水復急過江常苦遲
蘋白蘭葉青恐度先香時
美人碧雲外寧見長相思

將赴東都上李相國

孫叔向

四海兵初偃平津閣正開
誰知大爐火還有不然灰

辭房相公

張僊

秋風颯颯雨霏霏
愁殺栖皇一布衣
辭君且作隨陽鴈
海內無家何處歸

贈房侍御

時在新安

陶翰

志士故不羈與道常周旋進則天下仰已之能晏然褐

衣東府召執簡南臺先雄義每將疑立犯顏豈圖全謫

居東南遠逸意吟芳荃適會寥廓趣清波更黃緣扁舟

入五湖發繫洞庭前浩蕩臨海曲起遙濟江篇徵竒忽

忘返遇興將彌年乃悟范生智集作志足明漁父賢郡臨

新安渚佳賞此城邊集作佳賓在城偏日夕對層岫雲霞映晴

川閑居變秋色偃卧含貞堅倚伏聊自集作自相化行藏亦

推遷君其倦羽翮歲晏欲集作亦冲天

晚出伊闕示河南裴丞

前人

退無宴息資進無當代策冉冉時歲暮坐為周南客前
登闕塞門永眺伊城陌長川黯已空千里寒氣白家本

渭水西異日同

集作何

所適秉志師禽回微言祖莊易一

辭林壑間共繫風塵役才明忽先進天邑多紛劇豈念
嘉遁時依依偶沮溺

贈鄭員外

前人

驄馬拂繡裳按兵遼水陽西分鴈門騎北逐樓蘭王聞
道五軍集相邀百戰場風沙暗天起虜陣森已行儒服
揖諸將雄謀吞八荒金門未見謁朱紱生輝光數載侍
御史稍遷尚書郎人生志氣立所貴功業昌何以守章
句終年事蒼集作鉛黃同時獻賦客尚在東陵旁

望太華贈盧司倉

前人

作吏至西華乃觀三峯壯削成元氣中傑出天河上如
有飛動色不知青冥狀巨靈安在哉厥跡猶可望方此

歎行旅未由飾仙裝

唐韻側亮切行裝也或改作仗陋矣

葱龍記星壇明

滅數雲嶂良友垂真契宿心所微尚敢投歸山吟霞經

一相訪

獻寧淮軍節度使相公

一作淮西將李中丞集作獻南平王

劉長卿

建牙吹角戟門

集作不聞

喧三十登壇衆所尊家散萬金酬

士死身留

集作持

一劍荅君恩漁陽老將多迴席魯國諸

生半在門白馬翩翩春草細

集作綠

邵陵西去獵平原

觀校獵上淮西相公

前人

龍驤校獵邵陵東野火初燒楚澤空師事黃公千戰集作

載後身騎白馬萬人中笳隨曉集作晚吹經集作迎邊草箭

入青集作沒寒雲落塞鴻三十擁旄誰不羨周郎少小有集作

立
奇功

漢陽獻李相公

前人

退身高卧楚城幽獨掩閑集作寒門漢水頭春草雨中行

逕沒暮山江上捲簾愁幾人猶憶孫宏閣百口同乘范

蠡舟早晚却還

集作歸

丞相印十年空被白雲留

落第贈楊侍御兼拜員外仍充安大夫判官赴

范陽

前人

職副旌旄重才兼識量通使車遙肅物邊策遠和戎擲

地金聲著從軍寶劍雄官成稽古道

集作力

名達濟時功

肅穆烏臺上雍容粉署中含香初待漏持簡舊生風點

吏偏驚隼貪夫輒避驄且知榮已隔誰謂道仍同念舊

追連茹謀生任轉蓬泣憐三獻玉瘡懼再傷弓戀土函

關外瞻塵

集作雲

灞水東他時一書札猶冀問途窮

奉寄婺州李使君舍人

前人

建隼罷鳴珂初傳來暮歌漁樵識太古草樹得陽和東
道諸生從南依遠客過天清婺女出土厚絳人多永日
空相望流年復幾何崖開當夕照葉去逐寒波眼闇經
難受身閑劍懶磨似鵬占賈誼上馬識廉頗窮分安藜
藿衰容稱薜蘿只應隨越鳥南翥託高柯

自夏口至鸚鵡洲夕望岳陽寄源中丞

前人

汀洲無浪復無煙楚客相思益

集作亦

渺然漢口夕陽斜

度鳥洞庭秋水遠連天孤城背嶺寒吹角獨戍臨江夜

泊船賈誼上書憂漢室長沙遷謫

集作謫去

古今憐

寄李侍御

前人

舊國人未歸芳

集作滄

洲草還碧年年湖上春悵望江南

客驄馬西入關白雲獨何適相思煙水外惟有心不隔

對酒寄嚴維

前人

陋巷嘉

集作喜

陽和衰顏對酒歌懶從華髮亂閑任白雲

多郡簡客垂釣家貧學弄梭門前七里灘早晚子陵過

至饒州尋陶十七不在寄贈

前人

謫宦投東道逢君已北轅孤蓬向何處五柳不開門去

國空迴首懷賢欲訴冤梅枝橫

集作看

嶺嶠竹路過湘源

月下高秋鴈天南獨夜猿離心與流水萬里共朝昏

赴南邑書情寄故人

前人

南過三湘去巴人此路偏謫居秋瘴裏歸去夕陽邊直

道天何在愁容鏡亦憐
裁書欲誰訴無淚可潸然

月下呈章秀才

前人

自古悲搖落誰人奈
此何夜螢偏傍枕寒鳥數移柯
向

老三年謫無愁

集作秋

百口多家貧唯好月空愧子猷過

朱放自杭州與故相里使君立碑迴因以奉簡

前人

片石羊公後悽涼江水濱
好辭千古事墮淚萬家人
鵬
集占書久鸞迴刻篆新
不堪相顧恨文字日生塵

贈西陵盧少府

前人

籬落能相近，漁樵偶復同。苔封三逕絕，溪向數家通。犬

吠寒烟裏，鷓鴣飛

集作鳴
一作聲

夕照中。儻因藍輦出

集作時因
杖藜次

相訪竹林東

自江西歸至舊任官舍贈素贊府時經劉展平

後

前人

却見同官喜，復悲此生何。幸有歸期空，庭客至逢搖落。舊邑人踈，經亂離湘路。來過迴鴈處，江城卧聽搗衣時。

南方風土勞君問賈誼長沙豈不知

聞虞沔州有替將歸上都登漢東城寄贈

前人

淮南搖落客心悲
涓水悠悠恨別離
早鴈初辭舊關塞
秋風先入古城池
腰章建隼皇恩賜
露冕臨人白髮垂

惆悵恨

集作夫

君先我去漢陽耆老憶旌麾

集作旗

吳中聞潼關失利

集作守

因奉寄淮南蕭判官

前人

早

集作一

鴈飛吳天羈人傷暮律松江風嫋嫋波上片帆

疾木落姑蘇臺霜收洞庭橘蕭條長洲外唯見寒山出

胡馬嘶秦雲漢兵亂相失關中因竊據天下共憂慄南

楚有瓊枝相思怨瑤瑟一身寄滄洲萬里看白日起敵

甘負戈論兵勇投筆臨風但攘背擇木將委質不爾

集作

如歸剡山雲門飯松粟

京口懷洛陽舊居兼寄

一作簡

廣陵一二

集作二

知

已

前人

川濶悲無梁藹然滄波夕天涯一飛鳥日暮南徐客氣

混京口雲潮吞海門石孤帆候風進夜色帶江白一水

阻佳期相望空脉脉那堪歲芳盡更使春夢積故國胡

塵飛故山

集作
異鄉

楚雲隔佳人想何在庭草為誰碧惆悵

空往復

集作
傷情

滄浪有遺跡嚴陵七里灘携手同所適

贈別子羣投筆赴西安

前人

風流一才子經史仍滿腹心鏡萬像生

集作
像全

文鋒眾人

服頃遊靈臺下頻棄荆山玉踏蹬空數年徘徊冀微祿

未來投筆硯長揖辭親族且欲從

集作圖

變通安能守拘

東本持鄉曲譽肯料泥塗辱誰謂命逆遭還令身

集作計

翻復西戎今未弭

一作珍

胡騎屯山谷坐恃龍豹韜全輕

蜂蠆毒拂衣從此去擁傳一何速元帥許提携他人佇

瞻矚出門寡儔侶矧乃無僮僕黠虜時相逢黃沙暮愁

宿蕭條遠迴首萬里如在目漢境天西窮胡山海邊綠

想聞羌笛處淚盡關山曲地濶鳥飛遲風寒馬毛縮邊

愁殊浩蕩離思空斷續塞上歸限賒

集作塞下恨歸賒

樽前別

期促知君志不小一舉凌鴻鵠且願樂從軍功名在殊俗

江中晚釣寄荆南一二相識 前人

隨楚

集作楚郭或作楚國

微雨收荆門看目漾舟水雲裏日暮

春江

集作江山

綠霽華淨洲渚夜色連杉竹

集作溟色連松竹

月出

波上時人歸渡頭宿一身已無累萬事更何欲漁父自
黃綠白鷗不羈束既憐滄浪水復愛滄浪曲垂釣看世

人那知此生足

寄司勳盧員外

李頎

流澌臘月下河陽
草色新年發建章
秦地立春傳太史
漢宮題柱憶仙郎
歸鴻欲度千門雪
侍女新添五夜香
早晚薦雄文似者
故人今已賦長楊

東郊寄萬楚

前人

護落久無用隨身
甘采薇仍聞薄宦者
還事田家衣
潁水日夜流
故人相見稀
春山不可望
黃鳥東西飛
濯足豈長往
一樽聊可持
持一作依
了然潭上月
適我心中機
在

昔同門友如今出處非優游
白虎殿偃息青瑣闥且有
薦君表當看携手歸寄書不代
面蘭蕙空芳菲

望鳴皋山白雲寄洛陽盧主簿

前人

飲馬伊水中白雲鳴皋上氤氳
蓋山頂行子時一望照
日龍虎姿攢空冰雪狀蒼鬱
殊未已峩嘗忽相向皎皎
橫綠林霏霏澹清嶂遠映村
更失孤高鶴來傍勝氣欣
有逢仙遊且難訪故人吏京
劇每事多閑放室盡峨眉

峯心搖洞庭浪惜哉清興裏不見予所尚

寄萬齋融

前人

名高不擇仕委世隨虛舟小邑常歎屈故鄉行可遊青
牛半村戶香稻盈田疇為政日清靜何人同海鷗搖巾

北林夕把印東山秋對酒池雲

一作風

滿向家湖水流岸

陰止鳴鵲山色映潛虬靡靡俗中理蕭蕭川上幽昔年

至東

一作吳

郡常憶卧江樓我有一書札因之芳杜洲

贈蘇明府

前人

蘇君年幾許狀貌如玉童采藥傍梁宋共言隨日翁常
辭小縣宰一往東山東不復有家室悠悠人世中子孫
皆老死相識悲轉蓬髮白還更黑身輕行若風汎然無
所繫心與孤雲同出入唯一枝一作安然知始終願聞
素女事云采山花叢誘我為弟子逍遙尋葛洪

文苑英華卷二百五十二

欽定四庫全書

文苑英華卷二百五十三 宋 李昉等 編

寄贈七

劉春虛三首

張光朝一首

邱為一首

張謂四首

岑參五首

包佶四首

包何一首

李嘉祐六首

錢起七首

賈至四首

張繼二首

皇甫曾三首

郎士元四首

皇甫冉二首

寄闔防

防時在終南山
豐德寺讀書

劉春虛

青冥南山口

文粹作清
冥南山色

君與緇錫隣深路入古寺亂花

隨暮春紛紛對寂寞往往落衣巾松色空照水經聲時

有人曉心復南望山遠情獨親應以修往業亦惟立此

身深林度空夜烟月資清真莫欲

文粹
作歎

文明日彌年從

隱淪

暮秋揚子江寄孟浩然

前人

木葉紛紛下東日凝烟霜山林相曉暮天海深清滄

一作

蒼
暝色况復久秋聲亦何長孤舟兼微月獨夜仍越鄉
寒笛對京口故人在襄陽詠思勞今夕江漢遙相望

寄江涵求孟六遺文

前人

南望襄陽路思君情轉親偏知漢水廣應與孟家隣在
日貧為善昨來聞更貧相如有遺草一為問家人

荻塘西莊贈房元垂

張光朝

門在荻塘西塘高何聯聯往來分地利遠近無閑田水
國信汙下霖霖即成川苗稼盡湮沒茲鄉獨豐年家肥
待親懿人樂思管絃日晏始能起盥漱看厨烟醞酒寒
正熟養魚長食鮮黃昏鍾未鳴偃息早已眠何意久城
市寂寞邱中緣俛仰在顏色區區人事間憶昔炎漢時
乃知綺季賢靜默不能仕養老終南山

湖中寄王侍御

邱為

日日湖水上好登湖上樓終年不向郭過午始梳頭嘗

亦一作自愛杯酒得無相獻酬
小僮能鱸鯉少妾事蓮舟

每有南海一作浦信仍期後月遊
方春轉搖蕩孤嶼每淹

留驄馬真傲吏翛然無所求
晨趨玉階下心許滄江流
少別如昨日何言經數秋
應知方外事獨往非悠悠

寄李侍御

張謂

柱下聞周史書中慰越吟
近看三歲字遙見百年心
價以吹噓長恩從顧盼
深不栽桃李樹何日得成陰

寄崔澧州

前人

共襟臺郎被俱褰郡守惟罰金殊往日鳴玉幸同時五
馬來何晚雙魚贈已遲江頭望鄉月無夜不相思

贈喬林

此詩見三百四十卷

杜侍御送貢物戲贈

前人

銅柱朱崖道路難伏波橫海舊登壇越人自貢珊瑚樹
漢使何勞獬豸冠疲馬山中愁日晚孤舟江上畏春寒
由來此貨稱難得多恐君王不忍看

寄左省杜拾遺甫

岑參

聯步趨丹陛分曹限紫微曉隨天仗入夕

集作暮

惹御香

歸白髮悲花落青雲羨鳥飛聖朝無闕事自覺諫書稀

高宮

集作冠

谷口贈

集作招

鄭鄩

前人

谷中來相訪空齋不見君澗花燃暮雨潭樹暖春雲門
逕稀人跡簷峯下鹿羣衣裳與枕席山靄綠氛氳

江夜宿龍吼灘臨眺思峨眉隱者兼寄幕中諸

公

前人

官舍臨江口灘聲已慣聞水烟晴吐月山火夜燒雲且

欲尋方士無心戀使君思鄉那可住况復久離羣

客舍悲秋雨懷兩省舊遊呈幕中諸公

前人

三度為郎便白頭一從出守五經秋莫言聖主長不用
其那蒼生應未休人間歲月如流水客裏秋風今又起
不知心事向誰論江上蟬聲空滿耳

西蜀旅舍春歎寄朝中故人呈狄評事

前人

春與人相乖柳青頭轉白平生未得意攬鏡私自惜四

海猶未安一身無所適自從兵戈動遂覺天地窄功業

悲後時光陰難

一作
歎

虛擲却為文章累幸有開濟策何

負當途人無心矜窘阨迴瞻後來者皆欲相輔轍起草

思南宮竒言憶西掖時危任舒卷身退知損益窮巷草

轉深閉門日將夕橋西暮雨黑籬外春江碧作者始識

君相看俱是容聲華同道術世業通往昔早須歸天階

不得安孔席吾先稅歸鞅舊國如咫尺

對酒贈故人

包佶

扶起籬披菊霜輕喜重開醉中驚老去笑裏覺愁來月
送人無盡風吹浪不迴感時將有寄詩思溢難裁

近獲風痺

集作痺

之疾題寄所懷

前人

病夫將已矣無可答君恩衾枕同羈客圖書委外孫久
來從吏道常欲奉空門疾走機先息歌行力漸煩無醫
能却老有變是遊魂烏宿還依伴蓬飄莫問根宿行齊

指馬觀境制心猿唯借南榮地
清晨暫負暄

發襄陽後却寄公安人

前人

揮涕

集作淚

送迴人將書報所親
晚年多疾病中路有風

塵王粲頻徵楚君恩
許入秦還同星火去
馬上別江春

同李吏部伏日口號呈元庶子路中丞

前人

火炎逢六月金伏過
三庚幾度衣裳汗

一作澣

誰家枕簟

清頌冰無下位裁
扇有高名吏部還
開甕殷勤二客情

雜錄
作卿

寄楊侍御

前人

一官何幸得同時十載無媒獨見遺今日不論腰下組
請君看取鬚邊絲

贈王八衢州

李嘉祐

丹地偏相逐清江若有期腰金才子貴剖竹老人遲桂
檝閑迎客茶甌對說詩渚田分邑里山樹掛罍罍心靜
無華髮人和似古時別君遠山去幽獨更應悲

晚發咸陽寄同院遺補

前人

征戰初休草又衰
咸陽晚眺淚堪垂
去路全無千里客
秋田不見五陵兒
秦家故事隨流水
漢代高墳對石碑
迴首青山獨不語
羨君談笑萬年枝

暮春宜陽郡齋愁坐忽聞枉劉七侍御新詩因

以酬贈

集作
答

前人

子規夜夜啼
櫛葉遠道春來

一作
逢春

半是愁芳草
伴人還

易老落花隨水亦東流
山臨睥睨恒多雨
地接瀟湘畏

及秋唯羨君為周柱史手持黃紙到滄洲

晚發江寧道中呈嚴維

前人

惆悵垂

集作
送

江路蕭條落日過蟬鳴獨樹急鴉向古城

多轉曲隨青嶂因高見白波潘生秋徑草嚴子意如何

仲夏江陰官舍寄裴長官

集作
明府

前人

萬室江邊次孤城對海安朝霞晴作雨濕氣夜

集作
晚

生

寒苔色侵衣桁潮痕上井欄題詩寄

集作
招

茂宰思爾欲

辭官

贈衛南長官赴任

前人

吏曹難茂宰主意念疲人更事文犀節還過白馬津雲
間辭北闕樹裏出西秦為報陶明府裁書莫厭頻

闕下贈閻舍人

錢起

二月黃鸝

集作鸝

飛上林春城紫禁晚陰陰

集作陌

長樂

鍾聲花外盡龍池柳色雨中深陽和不散窮途恨霄漢

長

集作常

懸捧日心獻賦十年猶未遇羞將白髮對華簪

晚秋寄王中丞袁員外

集作秋夜寄袁中丞王員外

前人

一夕盈千念方知別者勞
衰容難會面
寃寧暫

集作想

同

袍片月臨城
早晴河度鴈
高應憐蔣生
逕秋露滿蓬蒿

獻歲初歸舊居酬皇甫侍郎見寄

前人

欲知愚谷好
久別與春還
鷲暖初歸樹
雲晴却戀山
石田耕種少
野客性情閑
裘仲應難見
殘陽且掩關

秋夜寄張常二主簿

前人

涼夜褰簾好輕風過月初碧空河漢

集作江色

淺紅葉落

集作

露聲虛道阻

集作隔

天難問機忘世久

集作易

踈不知雙翠

鳳棲棘復何如

寄郢州郎使君士元

前人

龍節知無事江城不掩扉詩傳過客遠書到故人稀坐

嘯看潮起行風

集作春

送鴈歸望舒三五夜思盡謝元暉

東臯早春寄元校書

前人

祿微賴學稼歲起歸衡茅窮途戀明主耕桑迹

集作亦

近

郊夜來霽山雪陽氣動林梢萌蕙暖初吐春鳩鳴欲

集作

始

巢蓬萊頻入夢知子與

集作憶

貧交

雜言山中寄時校書

前人

蓬萊紫氣

一作之子

温如玉唯予知爾陽春曲別來幾日芳

蓀綠百花滿眼不見君青山一望心

集作觴

斷續

自蜀奉冊命往朔方途中呈常左相文部房尚

書門下崔侍郎

賈至

胡羯亂中夏鸞輿忽南巡衣冠陷戎寇狼狽隨風塵
幽公秉大節臨難不顧身激昂白刃前濺血下沾巾尚書
抱忠義歷險披荆榛扈從出劔門登翼岷江濱時望挹
侍郎公才標搢紳亭亭崑山玉皎皎無緇磷顧惟乏經
濟扞牧陪從臣永願雪會稽仗劔清咸秦太皇時內禪
神罷付嗣君新命集舊邦至德被遠人捧冊自南服奉
誥趨北軍覲謁心載馳遠離難重陳策馬出蜀山畏途
上緣雲飲啄叢箐間栖息虎一作豹群崎嶇凌危棧惴

慄驚心神峭壁上嶽峯大江下
泆泆皇風扇八極異類

懷深仁元兇誘熟

一作點

虜肘腋生妖氛明主信英武威

聲赫殊隣誓師自朔方
旗幟何繽紛鐵騎照白日旄頭

拂秋旻將來

一作俠

溘滄溟寧止蹴崑崙
古來有逆難否

泰長相因夏康續禹績

一作少康續夏服

代祖復漢勲于役各

勤王馳驅拱紫宸
豈惟太公望往昔逢周文
誰謂三傑才功業
獨殊倫感此慰行邁
無為歌苦辛

巴陵早春寄荊州崔司馬吏部闔功曹舍人

前人

謫君瀟湘渚再見洞庭秋極目連江漢西南浸斗牛滔
滔盪雲夢澹澹搖巴邱曠如臨渤澥窅疑造瀛洲君山
麗中波蒼翠長夜浮帝子去永久楚詞尚悲愁我同長
沙行時事加百憂登高望舊國胡馬滿東周宛葉遍蓬
蒿樊鄧無良疇獨攀青楓樹淚洒滄江流故人西掖寮
同扈岐陽蒐差池盡三點蹭蹬各南州相去雖地近不
得從之遊耿耿雲陽臺迢迢王粲樓跂子暮霞裏誰謂

無輕舟

閑居秋懷寄陽翟陸贄府封邱高少府

前人

今日霖雨霽颯然高館涼秋風吹二毛烈士加慨憶
昔皇運初衆賢值龍驤解巾佐幕府脫劍昇明堂郁郁
被慶雲昭昭翼太陽鯨魚縱大壑鸞鷲鳴高岡信矣草
創時太階速賢良一言頓遭逢片善蒙恩光我生屬聖
明感激切自彊崎嶇郡邑權連蹇翰墨場天朝富英髦

多士如珪璋盛才溢下位蹇步徒猖狂閉門對群書几
案在我旁枕席想遠遊聊欲浮滄浪八月白露降玄蟬
號枯桑艤舟臨清川迢遞愁思一作海長我有同懷材疑
各在天一方離披不相見浩蕩隔兩鄉平生霞外期宿
昔共行藏豈無蓬萊樹歲晏空蒼蒼

巴陵寄李二戶部張十四禮部

前人

江南芳草初暮暮愁殺江南獨愁客秦中楊柳也應春

轉憶秦中相憶人萬里鶯花不相見登高一望淚霑巾

會稽秋晚奉呈于太守

張

繼

寂寂訟庭幽森森戟戶秋山光隱危堞湖色上高樓禹
穴探書罷天台作賦遊雲浮將越客歲晚共淹留

陸沉詩上禮部楊侍郎

前人

調與時人背心將靜者論終年在

一作帝

城裏不識五侯

門

奉寄中書王舍人

皇甫魯

腰金載筆謁承明至道安禪得此生西掖幾年綸綍貴
東山遙夜薜蘿情風傳漏刻星河曙月上梧桐雨露清
聖主好文誰為薦閉門空賦子虛成

寄劉員外

前人

南憶新安郡千山帶夕陽斷猿知夜久秋草助江長鬢
髮應成素青松獨見蒼愛才稱漢主題柱待回鄉

一作劉郎

寄張衆甫

前人

悲風還舊浦雲嶺隔東田伏臘同鷄黍柴門閉雪天孤

村明夜火稚子候歸船靜者心將憶離心畏度年

寄鄭員外

郎士元

暮蟬不可聽落葉詎堪聞自是悲秋客那能歧

一作此

路

分荒城背流水遠鴈入寒雲陶令東籬菊餘芳可贈君

寄李舒

一作送張南史

前人

雨餘深巷靜獨酌送殘春車馬雖嫌僻鶯花不厭

一作棄

貧蟲絲粘戶網鼠跡印床塵聞道山陰會

集作借問山陽會

如

今有幾人

此詩二百七十二卷重出今已削去注異同為一作

贈萬生下第還吳

前人

直道多不偶美才應息機
灞陵春欲暮雲海獨言歸
為客成白首入門嗟布衣
尊羹若可憶甃出掩柴扉

寄李袁州桑落酒兼六言贈人

疑

前人

色比瓊漿猶嫩香同甘露
仍春十年提携一斗遠寄瀟

湘故人

使至壽州淮路寄劉判官

皇甫冉

榛草荒涼村落空，驅馳卒歲亦何功。
薰葭曙色蒼蒼遠，蟋蟀秋聲處處同。
鄉路遙知淮浦外，故人多在楚雲東。
日夕煙波那可道，壽陽西去水無窮。

寄

集作贈

韋司直

前人

聞君感嘆二毛初，舊友相依萬里餘。
烽戍有時驚蹙定，甲兵無處可安居。
客來吳地星霜久，家在平陵音信疎。

昨夜春風還入戶登山臨水復一作何如

文苑英華卷二百五十三